

謝師提挈沈淪外生死難交代不墮輪迴超法界諸天運度化
生無相一點圓明在蕩搖浮世常安泰閑把瓊芝採護法神君
威力大流鈴擲火掃塵千里摒盡諸魔害

贈皇親四官人

出塵同結逍遙伴更不爭長短自有元初眞容面增延福壽妙
通玄奧品位重遷換靜調龍虎常交戰靈寶攢心轉四大光明
同一煉昇煙降霧電馳雷震瞥地神童現

贈眾道友一首

玉陽一遇疑雲斷不落昇沈絆試問青州雲侶伴俱懷妙用每
持齋施步步心香爨福星空外明昭煥應化眞無亂寶璧瑤花

道藏輯要

雲光集

卒

胃集九
川三川

通內觀金丹結就紫書來詔指日登雲漢

隨緣順化行方便豈敢微生倦唯望英豪皆向善遵崇內教外
施洪行各把頑心鍊兩肩童子相攀戀報應頭頭顯家道興隆
多喜宴同躋福壽永除災障勿昧修真願

請觀額度牒

須知塵世光陰短當種福興仙觀浩劫長存功德案添名注壽
補還愆過出了陰司管慶雲繚繞恩無斷霞友雲朋喚共賞仙
花香爛熳流霞泛飲醉歸何處宴息蓬萊館

贈福山縣仁壽保善眾

福山仁壽堪予羨各各施方便感得天公垂教管遷恩布德滅

愆消過福祿隨年轉搜真去假心無變漸漸通修鍊俱得拏雲
親手段先亡往逝盡令超度滿卻平生願

李悟真索

大都七寶真如體不可空拋棄玉藏常收無根水純陽鍛鍊滴
成珠露變化真祥瑞三般妙物騰空戲雪暖金花麗無色神容
方顯異鸞驂鳳駕一昇霄漢占斷清涼位

答皇親見召

三冬凜冽彤雲布六出飄飛絮地凍天寒難進步滿途冰雪喚
回童稚且向茅菴住貴州大醮無推訴必要功圓聚遠逝新亡
皆濟度加持妙道展舒雲宴一會朝元去

道藏輯要

雲光集

空

胃集九
川上三

警俗迴心

好兒好女心頭氣生死難相替不測無常先到你皮囊臭爛骨
骸分散空惹冤家淚悟來不使心猿戲慧劍磨教利六賊三尸
都趁離炎炎紫焰載般丹寶上獻三清帝

文登丹霞觀

二首

市民官吏同興觀立志皆無倦起建丹霞功不淺修真養浩絕
除貪愛一點重明顯混元三界光輝滿了了登雲漢下拔存亡
都著岸施弘正道永超無礙有箇靈童喚

保身功德須圓滿認取元初面早把前程同了幹三田運度二
儀交泰上下光明貫知音推舉相邀喚此理誠幽遠皆作天元